



Sámi allaskuvla
Sámi University College

FÁGAPLÁNA

Pedagogihkka ja oahppimáhttu

60 oahppočuoggá

Sámi vuodđoskuvlaoahpaheaddjioahppu 1.-7.
VUO2014 1-7(2014-2017)

Ođastanevttohus borgemánnu 21.b 2014

OASSI I: PEDAGOGIHKA JA OAHPPIMÁHTU FÁGPLÁNA

1. Fága namma

- Sámegillii: Pedagogihkka ja oahppimáhttu sámi vuodđoskuvlaoahpaheaddjioahpus 1.-7. luohkáide
- Dárogillii: Pedagogikk og elevkunnskap i samisk grunnskolelærerutdanning 1.-7.
- Suomagillii: Pedagogiikka ja oppilaantuntemus, saamelainen opettajankoulutus 1.-7. luokat
- Engegasgillii: The Subject of Pedagogy and pupil knowledge in Sámi Secondary school Teacher Education

2. Oppalaš diedut fága birra

Fágakoda Galle čuoggá	POM 1.-7. 60 oahppočuoggá
Oahpu lágideapmi	Pedagogihkka ja oahppimáhttu oahpahuvvo guđa (6) lohkanbaji badjel. Oahppu juhkkojuvvo njealji (4) oasseovttadahkii. Juohke oasseovttadat vástida 15 oahppočuoggá. Lea sierra eksámen juohke oasseovttadagas. Oahpahus lágiduvvo dábálaččat oahppobáikkis Sámi allaskuvllas, muhto sáhttá maiddái, jus nu mearriduvvo, fállojuvvot neahttaoahppun. Hárjehallanverddeásahusat (hárjehallanskuvllat) leat guovddáš ovttasbargoguoimmit ja oahppanarenat. Neahntagulahallanreaidu geavahuvvo earret eará diehtojuohkimii, bagadallamii, fágabargguid juogadeapmái ja sisabuktimiidda.

Pedagogihkka ja oahppimáhttu 4 oasseovttadaga:

- POM 101** Oahpaheaddji láhcá vuodú ohppiid oahppamii ja ovdáneapmái (15 č)
- POM 102** Ohppiid fágalaš, sosiálalaš, persovnnalaš oahppan ja ovdáneapmi (15 č)
- POM 201** Oahpaheaddji profešuvdnarolla ja identitehta ovdáneapmi (15 č)
- POM 202** Bachelorprošeakta, dieđateorija ja dutkanmetodat (15 č)

3. Oahppoprográmma gullevašvuohta

POM 1-7 lea oassin 4 lagi profešvdnaoahppoprográmmas; Sámi vuodđoskuvlaoahpaheaddjioahpus 1.-7. luohkáide.

4. Sisabeassangáibádusat

Oppalaš lohkangelbbolašvuohta dahje reálagelbbolašvuohta ja sámegiella. Ohccis galget leat 35 skuvlapoeajgga ja árvosátni 3 dárogielas ja sámegielas oktii ja matematiikas, dahje vástideaddji gelbbolašvuohta eará riikkain. Sámegiellagáibádus lea sámegiella juogo 1. dahje 2. giellan joatkkaskuvllas, sámegiela lohkanbadjeoahppu dahje vástideaddji gelbbolašvuohta eará riikkain, ja sáhttá maid váldit sámegiela giellageahčaleami, man vuodđul árvvoštaljojuvvojit giellamáhhttua ja sisabeassanvuodđu

5. Oahpahusgiella

Oahpahus lágiduvvo vállooasis davvisámegillii. Oahpu vállooahpahusgiella lea sámegiella. Oahpus sáhttet leat logaldallamat ja seminárat eará gillii.

6. POM 1.-7. oppalaš sisdoallu

Sámi allaskuvlla oahpaheaddjioahpus Pedagogihka ja oahppimáhtu (POM) fága vuolggasadji lea sámiid ja eamiálbmogiid diehtu ja máhttu. Máná ovdáneapmi, oahppan, bajásgeassin bajásšaddandiliin guorahallojuvvojit fágapedagogalačcat, sámi ja eamiálbmot ipmárdusain. Fága vuodđun lea sámi servodaga máŋggabealatvuohta ja máŋggakultuvrralaš servodaga huksen, sámi kultuvra ja sámegielaid dilli, historjjás otná beaivái ja boahttevuhtii. Sámi árbevirolaš oahppanoainnut, oahpahusvuogit ja bajásgeassin leat vuolggasadjin ja dat mo sáhttit skuvllas dáid sirdit odđa áigái. Sámi pedagogihkka ja oarjemáilmimi pedagogihkka heivehuvvojit skuvlla áigái ja báikái heivvolaš vugiin nu ahte sámi máhttu šaddá sámi skuvlamáhttun.

Sámi ohppiid ovdánahtima, miela ja dárbbuid geahčastagas fágii laktojuvvojit luonddu-, giella- ja kulturipmárdus, ja oahppama lahkonit dáiguin perspektiivvaiguin; oahppit sámi árbevierus ja odđa áiggis, kultuvrralaš máŋggabealatvuohta riggodahkan, ja sámi ohpit eamiálbmogin. Ohpit báikkálaš servodagas ja kultuvrralaš máŋggabealatvuodás fátmasta maiddái variašuvnna ja máŋggabealatvuoda sámi servodagas. Sámi oahpaheaddjigelbbolašvuohta searvidahttá ohppiid, geain leat iešguđetlágan etnalaš, kultuvrralaš, sosiálalaš ja gielalaš duogážat.

Guovddáš fáttát oahpus leat ovdamearkka dihte didaktikhalaš gelbbolašvuohta, vuodđogálggaid ovdánahttin, fágagelbbolašvuohta, oahppanjodiheapmi, ovttasdoaibman, gulahallan, profešunalitehta, etihkka, rievdadangelbbolašvuohta, birgen ja eallin dynámalaš oahppanmáilmis.

7. Oahppanjoksosat

Fágaplána láidehusas leat njealjitoasseovttadaga, máhtut, gálggat ja obbalaš gelbbolašvuhta, man siskkobealde huksejuvvo vuodđu mii vurdojuvvo olahuvvon oahpu manjnjá.

8. Oahpahan- ja oahppanvuogit

Studeanttaid aktiivvalaš doaimmat, searvebarggut ja iešheanalalaš oahpu háhkan leat guovddážis oahppamis. Oahppan joavkkus deattuhuvvo, gos čovdet fágalaš čuolmmaid ja hárjánit iešheanalalašvuhtii. Reflekšuvdnaloggat ja bloggat, bagadallamat, ságastallamat ja mähppaárvvoštallan geavahuvvojit reaidun šaddat dihtomielalažjan iežas oahppamis. Fága iešguđet ovttadagat leat geatnegahhton bargogáibádusat, hárjehallamat ja eksámenat. Bargovuogit leat sihke ovtagaslaš barggut, joavkobarggut, ságastallamat, logaldallamat, seminárat, iehčanassii lohkan ja oahppanteamain lohkan ja reflekteten. Fágaoahpahus huksejuvvo geatnegahhton lohkanmeriide ja lohkanmeriide maid studeanttat ieža válljejit nugo bachelorbarggu ja eará sierra bargguid olis.

9. Gáibádusat beassat eksámenii

Čuovvovaš barggut galget leat čađahuvvon ja dohkkehuvvon fágaovddasvástideaddji bokte ovdal go studeanta beassá loahpalaš eksámenii.

- Dohkkehuvvon barggut sierra bargogáibádusat ektui njealji (4) iešguđet oasseovttadagas.
- Dohkkehuvvon oasseeksámenat njealji (4) iešguđet oasseovttadagas
- Hárjehallanáigodagat, hárjehallanbarggut, ráhkkanearmit ja reporteremat galget leat čađahuvvon, dohkkehuvvon ja duođaštuvvon.
- Profešuvdnamáhppa.

Dohkálašvuodaárvvoštallan gullá oassin sihke fágaoahpahussii, eksámeniid ceavzimii ja hárjehallamii.

Profešuvdnamáhppa

Profešuvdnamáhpa bokte studeanta ádde oktavuođa iešguđege bargovuogi ektui ja čájeha proseassa ja iežas ovdáneami. Máhppa gálgá čájehit studeanta fágalaš, persovnnalaš ja profešuvnnalaš ovdáneami. Profešuvdnamáhpas dokumentere studeanta čađahuvvon doaimmaid ja su oahppama. Pedagogalaš oassi čájeha ja duođašta studeantta ovdáneami oahpaheaddjin ja su iežas bálgá oahpaheaddjiprofešuvdnii POM 1.-7. oahpu oppalaš oahppanjoksosiid ektui. Profešuvdnamáhppa čuovvu studeantta olles oahppoáiggi. Dasa gálgá studeanta bidjet oahppobargguid ja daid bokte čájehit man láhkai lea olahan oppalaš oahppanjoksosiid. Pedagogalaš oassi lea vuodđun árvvoštallamii ja loahpalaš eksámenii.

10. Eksámen

Oasseeksámenat ja loahpalaš eksámen

Njealji (4) oasseovttadagas čađahuvvojit **4 oasseeksámena** iešguđet hámis.

Loahpalaš eksámen lea oktagaslaš, 30 minuhta *njálmmálaš ovdanbuktin* gos studeanta ovdanbuktá ja čilge bargguid iežas **profešuvdnamáhpa** pedagogalaš oasis ja lohkanmeari vuodul. Dasa lassin lea 15 minuhta fágalaš *ságastallan ovdanbuktima* harrái ja 15 minuhtta *gažadeapmi* lohkanmeari vuodul.

Árvosánit addoit ECTS vuogádaga mielde A-F, mas A lea buoremus árvosátni, E lea vuolimus ceavzinárvosátni ja F mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan ja eksámen njuolggadusaide.

Iešguđetlágan eksámenoasáža deaddu:	
Eksámenvuohki	Eksámena árvvoštallama deaddu loahpalaš árvosánis
Oasseovttadagaid árvosánit oktiibuot	50 %
Profešuvdnamáhpa ovdanbuktin, čilgen ja sagastallan (30+15 min)	40 %
Gažadeapmi lohkanmeari vuodul (15 min)	10 %

11. Lea go privatistan vejolaš váldit dán fága?

Studeanta ii sahte privatistan váldit POM 1.-7. eksámena dehe oasseovttadagaid oasseeksámeniid. Oahpu oahppanjoksosiid ja bargogáibádusaid olaheapmi eaktuda studeanttaa oassálastima ohppui. Muđui čujuhuvvu U/A láhkii pg. 3-8(2).

12. Kvalitehtasihkkarastin

Studeantadásis árvvoštallojuvvo oahppu evaluerenčoahkkimis dehe árvvoštallanskovi bokte. Ásahusdásis árvvoštallojuvvo oahppu fágaporrtta, eksámenraporttaid, sensorraporttaid ja studeanttaid árvvoštallamiid vuodul. Muđui čujuhuvvo Sámi allaskuvlla kvalitehtasihkkarastinvuogádahkii.

13. Lohkanmearri

Lohkanmearri ládesta studeanttaid oahpásmuvvat sámi ja eamiálbmogiid dutkan- ja ovdánahttinbargguide, áigeguovdilis guorahallamiidda ja fágacállosiidda, ja sámi árbevirolaš dieđuide. Váimmuslohkanmearri lea sámegillii dalle go lea olahanmuttus ja muđui skandinávagielaide ja sáhttá maiddá leat engelasgillii.

Oasseovttadagaid oahppanjoksosat leat muđui nu čielgasat ahte studeanttat iešheanalalačcat sáhttet háhkát heivvolaš lohkanmeari. Maiddái njálmmálaš gáldut (omd. eallilan olbmot) leat ávkkálaččat dieđuid háhkamis.

Oppalaš lohkanmearri lea sullii **2400 siiddu** (POM 101, POM 102 ja POM 201), ja sullii 800 siiddu juohke oahppoovttadagas. Studeanta ieš beassá válljet muhtin osiid čujuhuvvo sierra lohkanlistui mas lohkanmearri iešguđetlágan oahppoovttadagain boahť ovdan. Studeanta galgá nuppát ja goalmmát jagi válljet lohkanmeari bachelorprošeaktabarggu oktavuodas, ja galgá buktit iežas lohkanmearrelisttu dohkkeheapmái fágalaš ovddasvástideaddjis.

OASSI II: POM 1.-7. OASSEOVTTADAGAT

POM 101 – Oahpaheaddji láhčá vuodú ohppiid oahppamii ja ovdáneapmái

15 oahppočuoggá

Sisdoallu

Guovddáš pedagogalaš fáttat nugó máná ovdáneapmi, oahppan ja bajásgeassín guorahallojuvvojít fágapedagogalaččat, sámi ja eamiálbmot ipmárdusain. Studeanta oahpásnuvvá sámi skuvlahistorjái ja čielggada iežas skuvlavásáhusaid maiddái dan vuodul. Oahpus guorahallojuvvo maiddai man láhkai oahpahusas sáhttá fátmmastit sámi árbevirolaš máhtu ja dieđu. Oahppu čilge iešguđetlágan pedagogalaš surgiid. Oahpásmuvvat iešguđetgelágan plánenreaidduide. Oahpus guorahallojuvvojít vuodđogálggat vuodđun oahppamii ja ovdáneapmái ja oktavuođat gaskkal didaktihkalaš eavtuid ja oahppi ovdáneami. Oahppu sistisdoallá iešguđetgelágan oainnuid ohppiid oahppan- ja sosialiserenproseassain (sámi) konteavsttain.

Oahppanjoksosat

MÁHTTU

Studeanttas

- lea máhttu sámi skuvlla iešvuođas, historjjás, ovdáneamis ja sajádagas sámi servodagas ja servodagas muđui.
- lea máhttu sámi árbevirolaš oahppanoainnut, oahpahusvuogit ja bajásgeassín.
- lea máhttu vuodđogálggain vuodđun oahppamii ja ovdáneapmái.
- lea máhttu láhkavuođu birra, nu movt skuvlla ulbmila, árvovuođu, oahppoplánaid ja ohppiid iešguđetlágan vuogatvuodaid birra.
- lea máhttu oahppoplánabargguin ja skuvllas organisašuvdnan.
- lea máhttu luohkkájodiheamis ja luohkkábirrasis ja máhttá ovdánahttit oktavuođaid ohppiiguin ja ohppiid gaskkas.
- lea máhttu máŋggalágan bargo- ja gulahallanvugiin, oahppanresurssain ja oahppanarenain ja ádde mihttomeriid, sisdoalu, bargovugiid, árvvoštallama ja ovttaskas ohppiid eavtuid oktiigullevašvuoda.

GÁLGGAT

Studeanta

- lea vuodđoipmárdus pedagogalaš jurdagiid ektui , ja movt sáhttá lágidit (sámi) skuvlla doaimmaid iešguđetlágán vugiid mielde, ja lea máhttu ávkin atnit sámi árbevirolaš oahppanoainnut ja oahpahusvuogit oahpahusas.
- lea vuodđoipmárdus skuvlla organisašuvnna birra ja movt skuvlakultuvra váikkuha oahppanbirrasii ja bargobirrasii.
- lea diehtu oahppanmihttomeriid ja vuodđogálggaid birra.

- lea máhttu lágidit ja jođihit hutkás oahppanbirrasiid ja heivehit oahpahusa iešguđetlágan ohppiid návccaide, attáldagaide ja beroštumiide, ja searvidahtá ohppiid, geain leat iešguđetlágan etnalaš, kultuvrralaš, sosiálalaš ja gielalaš duogážat.
- lea máhttu árvvoštallat ja duođaštit ohppiid oahppama ja ovdáneami oahpahusa mihtomeriid ektui, rávvet nu ahte ovddida oahppama ja veahkehit ohppiid árvvoštallat iežaset oahppama.
- lea áddejupmi teknologiija- ja mediaovdáneami servodatlaš perspektiivvaid (dorvvolaš geavaheami, persovdnasuodjalusa, jietnadanfriddjavuođa) ja bastá mánáid ja nuoraid veahkehit oažžut reflekterejeaddji oktavuođa digitála arenaide.
- lea máhttu kritikhalaččat reflekteret iežas ja skuvlla geavadiid.
- lea áddejupmi globála gažaldagaid ja bissovaš ovdáneami birra.

OPPALAŠ GELBBOLAŠVUOHTA

Studeanta

- bastá nannet sámi, eamiálbmot ja mánggakultuvrralaš áššiid skuvlla barggus, ja toleránssa álbmogiid gaskkas ja etihkalaš dihtomielalašvuodja skuvlla árvovuođuin guovddážii.
- bastá ovdánahttit demokratijiaáddejumi, demokráhtalaš oassálastima ja bastá kritikhalaččat reflekteret (sámi) oahppi, luohkká ja joavku dárbbuid.

Gáibádusat beassat eksámenii

Studeanta gálga leat:

- čoavdán addojuvvon didaktikhalaš plánenbarggu ja njálmmálaččat čilgen ja digaštallan iežas čovdosa studeantasemináras dahje čađahan sullasaš barggu.
- čállán fágateaksta mearriduvvon fáttás.
- oasálastán aktiivvalaččat oahpahusas (sosiálalaččat, fágalaččat ja olmmošlaččat).

Oasseeksámen

Oasseeksámen lea ruovttueksámen. Studeanta čállá fágateavstta sullii 6-8 siiddu. Oktagaslaš bargu. Bargu árvvoštallojuvvo ECTS vuogádaga mielde.

POM 102 – Ohppiid fágalaš, sosiálalaš, persovnnalaš oahppan ja ovdáneapmi

15 oahppočuoggá

Sisdoallu

Oahpus guorahallojuvvo oahppi resurssaid ja maiddái hástalusaid, mat láktasit su oahppamii, gulahallamií ja ovdáneapmái. Oahpus deattuhuvvojít maiddai heivehuvvon oahppan earenoamášpedagogalaš doaimmat, ja doaimmat manaide geain leat erenoamáš dárbbut.

Oahppanjoksosat

MÁHTTU

Studeanttas

- lea máhttu ohppiid bajásšaddanbirrasa ja identitehtabarggu birra.
- lea máhttu ohppiid oahppama, ahtanuššama, ovdáneami ja vuodđogálggaid vuodđoáššiin iešguđetlágan sosiála, máŋggakultuvrralaš ja máŋggagielalaš konteavsttain.
- lea máhttu ohppiid lohkan- ja čállinoahpu birra.
- lea máhttu lágaid, mearrádusain ja soahpmamušain mat gusket oahpahussii ja ohppiide.
- lea dovdamuš (sámi) mánáid vuoigatvuodain našunála, davvirikalaš ja riikkaidgaskasaš perspektiivvain, riikkaidgaskasaš šiehtadusain, eamiálbmotnjuolggadusain ja našunála lágain.
- lea máhttu (sámi) ohppiid bajásšaddan- ja oahppandilálašvuodaid.
- lea máhttu ovttasbarggu ja fierpmádathuksen bajásšaddanásahusaid gaskkas, ja ovttasbargu ásahusaiguin mat dahkamušas ohppiiguin (omd. BUP, PPR).

GÁLGGAT

Studeanta

- lea máhttu váldit vuhtii dásseárvvu ja sohkabealrollaid, ja lea máhttu givssideapmi birra, ja máhttá lähčit oahppanbirrasa mat váldit vuhtii juohke ohppiid.
- máhttá sajustit ja gozihit (sámi) mánáid vuoigatvuodaid.
- máhttá heivehit oahpahusa máŋggakultuvrralaš ja máŋggagielalaš geahččanvugiin.
- máhttá fievrredit sámi árbevirolaš oahppanoainnuid ja oahpahusvugiid oahpahussii.
- máhttá heivehit oahpahusa mat váldit vuhtii iešguđetgelágan ohppiid ja ohppiid oainnuid ja duogážiid oahpahusas.
- máhttá gulahallat ja bagadallat ohppiid ja bargoskihpáriid heivvolaš vugiin.

OPPALAŠ GELBBOLAŠVUOHTA

Studeanta

- bastá doarjut (sámi) ohppiid ovdáneami ja identitehtahuksema.
- oččoda gelbbolašvuhta oahppama láidesteamis, ja luohkká- ja joavkojođiheamis.
- oččoda gelbbolašvuhta dan birra mo oahpaheaddji sáhttá dustet earenoamáš pedagogalaš dárbbuid ohppiin.

Gáibádusat beassat eksámenii

Oahpus gálgá studeanta leat čaðahan:

- dohkkehuvvon prošeaktabarggu okto dahje unnit jovkkožis dahje sullasaš barggu.
Oassái bargui galgá válljet vuogas ja heivvolaš lohkanmeari ja ovdanbuktit dan.
- oasálastán aktiivvalaččat oahpahusas (sosiálalaččat, fágalaččat ja olmmošlaččat)

Oasseeksámen

Oasseeksámen lea ruovttueksámen gos studeanta čállá fágačállosa prošeaktabarggu ja lohkanmeari vuođul. Oasseeksámen árvvoštallovjuvvo ECTS vuogádaga mielde.

POM 201 - Oahpaheaddji profešuvdnarolla ja identitehta ovdáneapmi

15 oahppočuoggá

Sisdoallu

Oahppu hukse guovtti vuosttaš oahppoovttadaga ala historjjálaš, filosofalaš, servodatlaš ja riikkaidgaskasaš oainnus. Vuolggasadjii lea eamiálbmogiid iešguđetlágan sosialiserenarenat ja vuogádagat bajásgeassimii ja oahppamii. Oahpus guorahallojuvvojít eamiálbmogiid iešguđetlágan pedagogalaš jurddašeapmi, oahppan- ja bajássaddanvuogádagat ja movt sáhttá dustet daid formála ásahusain. Oahpu guovddážis leat sámiid erenoamáš kultuvrralaš- ja gielalašvuodđu ja lágidit, dustet ja čoavdit dan ektui skuvladoaimmaid.

Guovddážis lea maiddái guorahallat man láhkai oahppan- ja bájašsaddanásahusvuogádagat iešguđege davviriikkain ja eamiálbmotguovlluin dusteit servodaga bajásgeassin-, diehto- ja máhttofievrridandárbbuid boahttevaš buolvvaide.

Oahpus digaštallojuvvojít oahpaheaddji vejolašvuodđat iežas profešuvdnarolla hábmejeaddjin ja skuvlla ja sámi servodaga oktavuohta.

Oahpus guorahallojuvvojít sámi skuvlla doaimmat, hástalusat ja ovdánahttinvejolašvuodđat organisašuvdnateorehtalaš- ja bagadallanteorehtalaš perspektiivvaid vuodđul.

Pedagogalaš profešuvdnahástalusat ja vejolašvuodđat, didaktihkka, fágat ja fágadidaktihkat reflekterejuvvojít iešguđege oahppi dárbbuid ektui.

Oahppanjoksosat

MÁHTTU

Studeanttas

- lea diehtu oahpaheaddjirolla ja profešuvdnetaihkalaš gažaldagaid ovddideamis.
- lea máhttu áddet oahpaheaddji vejolašvuodđat iežas profešuvdnarolla hábmejeaddjin,
- lea áddejupmi maid mearkkaša márssolaš ja eaktudahti ovttasbarggu ja gulahallama mánáiguin, rávisolbmuiguin ja sohkabuolvvaid gaskkas, skuvllaid ja ruovttuid ja eará ásahusaid gaskkas.
- lea máhttu sámi, eamiálbmot, našunála, davviriikalaš ja riikkaidgaskasaš dutkan- ja ovddidanbargguin mat gusket oahpaheaddjeprofešuvdnii.

GÁLGGAT

Studeanta

- máhttá kritihkalačcat reflekteret iežas ja skuvlla geavadiid go ovdánahttá oahpaheaddjirolla ja profešuvdnetaihkalaš gažaldagaid.
- máhttá ovttasráđiid váhnenovddasteddjiiguin ja fágalaš ásahusaiguin gávnahit ja fuobmát ohppiid dárbbuid, vai dárbašlaš doaimbabijut álggahuvvojít.
- máhttá lágidit dili mii ovddida entreprenørskap ja máhttá searvvahit oahpaheapmái báikkálaš bargo-, kultuvra- ja servodateallima, árbediehtoguddiid ja resursaolbmuid.
- máhttá heivehit oahpahusa máñggakultuvrralaš ja máñggagielalaš geahččanvugiin.

- máhttá heivehit oahpahusa ja lágidit skuvla nuppástuhittin- ja ovdánahttindoaimmaid, sihke ohppiid ja joavkkuid ektui ja skuvlla oppalaš perspektiivvas, omd. ovttasbarggus ohppiiguin, vähnemiiguin, bargoustibiiguin, lagašservodagas ja/dahje ovttasbargofágaásahusaiguin.

OPPALAŠ GELBBOLAŠVUOHTA

Studeanta

- bastá fuobmát iežas oahppan- ja gelbbolašvuođadárbbuid oahpaheaddjiprofešuvnnas.
- bastá oačuhit profešuvnnalaš oahpaheaddjisearvevuoda nu, ahte ovdánahttá geavada ja profešuvdnetaihkalaš vuodđudusa.
- bastá oačuhit profešuvnnalaš searvevuoda sámi oahpaheddiid gaskii dainna ulbmiliin ahte ovdánahttit buori geavada ja profešuvdnetaihkalaš vuodđudusa maiddái riikarájjid rastá.
- lea háhkan nuppástuhittin- ja ovddidangelbbolašvuođa, mainna bastá dustet skuvlla boahttevuodas.
- oažju gelbbolašvuođa oahpponeavvu ráhkadeamis.

Gáibádusat beassat oasseeksámenii

Studeanta galgá leat:

- ráhkadan plána nuppástuhittin- ja ovdánahttindoaimmaide ja. oahpponevvui mii ovdánahttá eamiálbmogiid dieđu ja máhtu dahje sullasaš barggu. Vejolašvuođaid mielde nuppástuhittin- ja ovdánahttindoaimmat ja oahpponeavvu maiddái čađahuvvo hárjehallamis ja nu testejuvvo árgabeaivvi skuvlaeallimis.
- oasálastán aktiivvalaččat oahpahusas (sosiálalaččat, fágalaččat ja olmmošlaččat)

Oasseeksámen

Oasseeksámen leat nuppástuhittin- ja ovdánahttindoaimmat ja oahpponeavvu maid sáhttá geavahit bargooktavuođas. Jos studeanta háliida rahkadit filmma, čajáhusa dehe eará, dat lea vejolaš spiehkastit barggu čálalaš hámis. Bargu árvvoštallovuvvo ECTS vuogádaga mielde.

POM 202 - Bachelorprošeakta, diedateoriija ja dutkanmetodat

15 oahppočuoggá

Sisdoallu

Bachelor-prošeakta, diedateoriija ja dutkanmetodat

Goalmmát jagi čađahuvvo ovttaskas bachelorbargu. Bachelorbargu lea dutkanbargu, mas galgá čatnat oktii fágatorriijaid ja praktikhalaš vásáhusaid. Sámi skuvladutkama, sámi dutkama ja eamiálbmotdutkama guovddáš bealit ja dutkama prinsihpat ja metodat lea guovddážis. Bachelorbargu vuodđuduvvo oahpaheaddji praksisii. Studeanttat vudjot kritikhalaččat ja fágalaččat sámi oahppo- ja skuvlaáššiide, ja oidnet ovdánahttindárbbuid. Studeanttat vudjot akademalaš čállimii ja dutkanetihkalaš beliide. Oktavuohta oahpahusa ja dutkama gaskkas huksejuvvo.

Lea vejolaš čatnat bachelorprošeavtta oassin Sámi allaskuvlla dutkan- ja ovdánahttindoaimmaide.

Bachelorbarggus

- čohkke empiriija
- analysere teorijaid
- bidjá oktii ja gaskkusta empiriija ja teorija
- árvvoštallá kritikhalaččat ja digaštallá empiriija ja teorija, iežas ja earáid
- ovdánahte reflekšuvdna- ja gaskkustandáiddu
- ovdánahte fágateavsttaid čállingelbbolašvuodja

Oahppanjoksosat

MÁHTTU

Studeanttas

- lea vuodđoipmárdus diedateorehtalaš dieđu birra, ja seammás huksejuvvo vuodđomáhttu eamiálbmot dutkama birra.
- lea máhttu dutkanmetoda áššiid birra ja son ádde mo dutkamiin sáhttá fáhtet praktikhalaš, fágalaš ja pedagogalaš beliid oahppodiliin, erenoamážit eamiálbmot oahpahusas.
- lea máhttu čađahit bachelorbargu.

GÁLGGAT

Studeanta

- máhttá iešheanalaččat ja ovttas earáiguin plánet, čađahit ja reflekeret oahpaheami fágaid siskkobealde ja fágaid rastá, mas vuolggasadjin leat sámi árbevirolaš máhttu ja dutkan- ja vásáhusvuđđosaš máhttu.
- máhttá kritikhalaččat reflekeret, árvvoštallat ja geavahit heivvolaš dutkanbohtosiid ja ieš čađahit systemáhtalaš ovddidanbargguid.

OPPALAŠ GELBBOLAŠVUOHTA

Studeanta

- digaštallá dála dili sámi skuvllas eamiálbmogiid pedagogalaš vuolggasajiin dieđateorehtalaš vuodđoipmárdusa vuođul.
- bastá kritikhalačat reflekeret ja geavahit dutkanetihkalaš vuodđudusa.

Gáibádusat beassat eksámenii

Studeanta vállje fáttá, hábme ja čilge iežas dutkamuša relevánta gažaldagaid ektui. Bagadalli dohkkeha fáttá ja bagadallá studeantta barggadettiin. Studeanta ráhkada plána mas vállje bargovugiid ja mas čájeha fágalaš ovdáneami.

Eksámen

Bachelorbargu lea oktagaslaš eksámen. Bargoviidotat lea birrasat 20-25 siiddu čálus. Čálos galgá sámegillii. Bustávva sturrodat 12 ja 1 1/2 linjjáid gaskkas. Njálmmálaš eksámen bachelorbarggu vuođul.

Okta árvosátni addojuvvo guovtti eksámena vuođul ECTS vuogádaga mielde, mas A lea buoremus árvosátni ja E lea vuolimus ceavzinárvosátni. Son gií oažju árvosáni F (ii leat ceavzán) eksámenis, sáhttá geardut eksámena Sámi allaskuvlla dábálaš njuolggadusaid mielde. Muđui čujuhuvvo Sámi allaskuvlla árvvoštallan- ja eksámennjuolggadusaide.

Lohkanmearri

Galgá leat 300- 400 siiddu, ja galgá leat relevánta bachelorbarggu fáddái. Studeanta vállje ieš lohkanmearri maid bagadalli dohkkeha.

Oasseeovttadagaid bargogáibádusat, oasseekssámeniid hámit ja deattut loahpalaš árvosánis:				
Oasseeovttadat ja oahppočuoggát	Bargogáibádus beassat oasseekssámenii	Oasseekssámena hápmi ja árvvoštallanvuogit	Oasseeovttadagaid deaddu	
POM 101, 15 oč	<p>Studeanta gálga leat:</p> <ul style="list-style-type: none"> - čoavdán addojuvvon didaktihkalaš plánenbarggu ja njálmmálaččat čilgen ja digaštallan iežas čovdosa studeantasemináras dahje čađahan sullasaš barggu. - čállán fágateaksta mearriduvvon fáttás. - oasálastán aktiivvalaččat oahpahusas (sosiálalaččat, fágalaččat ja olmmošlaččat). 	Oasseekssámen lea ruovttueksámen. Studeanta čállá fágateavstta sullii 6-8 siiddu. Oktagaslaš bargu. Bargu árvvoštallojuvvo ECTS vuogádaga mielde.	12,5 %	Oasseeovttadagaid árvosánit oktiibuot deaddá 50% loahpalaš árvosánis.
POM 102, 15 oč	<p>Oahpus gálgó studeanta leat čađahan:</p> <ul style="list-style-type: none"> - dohkkehuvvon prošeaktabarggu okto dahje unnit jovkkožis dahje sullasaš barggu. Oassái bargui galgá válljet vuogas ja heivvolaš lohkanmeari ja ovdanbuktit dan. - oasálastán aktiivvalaččat oahpahusas (sosiálalaččat, fágalaččat ja olmmošlaččat) 	Oasseekssámen lea ruovttueksámen gos studeanta čállá fágačállosa prošeaktabarggu ja lohkanmeari vuodul. Oasseekssámen árvvoštallojuvvo ECTS vuogádaga mielde.	12,5 %	
POM 201, 15 oč	Studeanta galgá leat:	Oasseekssámen leat nuppástuhhttin- ja	12,5 %	

	<ul style="list-style-type: none"> - ráhkadan plána nuppástuhttin- ja ovdánahttindoaimm aide ja. oahpponevvui mii ovdánahttá eamiálbmogiid dieđu ja máhtu dahje sullasaš barggu. Vejolašvuodaid mielde nuppástuhttin- ja ovdánahttindoaimm at ja oahpponeavvu maiddái čađahuvvo hárjehallamis ja nu testejuvvo árgabeaivvi skuvlaeallimis. - oasálastán aktiivvalačcat oahpahusas (sosiálalačcat, fágalačcat ja olmmošlačcat) 	ovdánahttindoaimmat ja oahpponeavvu maid sáhttá geavahit bargooktavuodás. Jos studeanta háliida rahkadit filmma, čajáhusa dehe eará, dat lea vejolaš spiehkastit barggu čálalaš hámis. Bargu árvvoštallovuvvo ECTS vuogádaga mielde.		
POM 202, 15 o	<p>Studeanta vállje fáttá, hábme ja čilge iežas dutkamuša relevánta gažaldagaid ektui.</p> <p>Bagadalli dohkkeha fáttá ja bagadallá studeantta barggadettiin. Studeanta ráhkada plána mas vállje bargovugiid ja mas čájeha fágalaš ovdáneami.</p>	<p>Bachelorbargu lea oktagaslaš eksámen. Bargoviidodat lea birrasat 20-25 siiddu čalus. Čalus galgá sámegillii. Bustávva sturrodat 12 ja 1 1/2 linjjáid gaskkas.</p> <p>Njálmrmálaš eksámen bachelorbarggu vuodul.</p> <p>.</p>	12,5 %	

